

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

«Уджалан ресурсъяслысь мобильностьсӧ кыпӧдӧм» Коми Республикаса дінму уджтас вынсьӧдӧм йылысь

Коми Республикаса Веськӧдлан котыр шуис:

1. Вынсьӧдны «Уджалан ресурсъяслысь мобильностьсӧ кыпӧдӧм»
Коми Республикаса дінму уджтас содтӧд серти.

2. Тайӧ шуӧмыс вынсялӧ сійӧс примитан лунсянь да паськалӧ 2021
вося лӧддза-номъя тӧлысь 9 лунсянь артмӧм инӧда йитӧдъяс вылӧ.

Коми Республикаса Веськӧдлан котырӧн
Юрнуӧдысьӧс Медводдза вежысь

И. Булатов

Сыктывкар
2021 вося кӧч тӧлысь 8 лун
433 №

ВЫНСЬӨДӨМА
Коми Республикаса Веськөдлан котырлөн
2021 во көч төлысь 8 лунся 433 №-а шуөмөн
(содтөд)

«Уджалан ресурсяслысь мобильностьсө кыпөдөм» Коми Республикаса
ДИНМУ УДЖТАС

«Уджалан ресурсяслысь мобильностьсө кыпөдөм»
Коми Республикаса дінму уджтаслөн
ПАСПОРТ
(водзö – Дінму уджтас)

Дінму уджтаслөн ним	Уджалан ресурсяслысь мобильностьсө кыпөдөм
Дінму уджтас дасьтан подув	«Россия Федерацияын олысьясөс уджөн могмөдөм йылысь» Россия Федерацияса 1991 во косму төлысь 19 лунся 1032-І №-а Оланпас; «Россия Федерациялөн субъектыясса, кутшөмьясөс пыртөма Россия Федерацияса субъектыяслөн лыддьөгö, кытчö уджалан ресурсяссö корöмыс лоö верктуяөн, уджалан ресурсяслысь мобильностьсө кыпөдан дінму уджтасьяслысь балаяс бөрьян пöрадок вынсьөдөм йылысь» Россияса удж министерстволөн 2019 во лөддзаномья төлысь 21 лунся 439н №-а тшöктöд, мый вынсьөдöма Россия Федерацияса Веськөдлан котырлөн 2015 во косму төлысь 20 лунся 696-р №-а тшöктөмөн; «Уджалан ресурсяслысь мобильностьсө кыпөдан типөвöй дінму уджтас вынсьөдөм йылысь» Россияса удж министерстволөн 2015 во лөддзаномья төлысь 4 лунся 343н №-а тшöктöд; Россия Федерацияса субъектыяслөн лыддьөг, кытчö уджалан ресурсяссö корöмыс лоö верктуяөн, мый вынсьөдöма Россия Федерацияса Веськөдлан котырлөн 2015 во косму төлысь 20 лунся 696-р №-а тшöктөмөн;
Дінму уджтассö кывкутысь олөмö пöртысь	Коми Республикаса удж, уджөн могмөдан да социальнöя дорьян министерство (водзö – Министерство)
Дінму уджтассö öтув олөмö пöртысяс	Коми Республикаса канму учреждениеяс – олысьясөс уджөн могмөдан шöриньяс (сёрнитчөмөн)
Дінму уджтасын участвуйтысяс	Удж сетысяс (юридическöй кывкутысяс да асшöр уджалысяс), кодьяс нуөдöны овмöс Коми Республика мутасын, кодьяслы колöны квалифицируйтөм

	уджалысьяс да кодъяс кырымалісны Дінму уджтасö пырöдчöм йылысь артмöдчöм (сёрнитчöмөн)
Дінму уджтаслөн медшөр мог	Россия Федерацияса мукöд субъектысь, кутшöмъясöс абу пыртöма Россия Федерацияса субъектыаслөн лыддьöгö, кытчö уджалан ресурсъясö корöмыс лöб верктуяөн, Коми Республикаö квалифицируйтöм уджалан ресурсъяс корöм
Дінму уджтаслөн могъяс	1. Уджалан мобильность юалöмъяс серти олысьясöс да удж сетысьясöс паськыджыка тöдмöдöм. 2. Россия Федерацияса мукöд субъектысь уджалан ресурсъяс, сы лыдын вылыс квалификацияа специалистъясöс, корöмын удж сетысьяслы отсалöм
Дінму уджтаслөн торъя мога индикаторъяс да бöртаслун серти петкöдласъяс	1. Гражданалөн да удж сетысьяслөн пай, кодъясöс паськыджыка тöдмöдöма уджалан мобильность юалöмъяс серти. 2. Артмöдчöмөн урчитöм уджалысьяслөн öтувъя лыдын корöм уджалысьяслөн пай, кодъясöс отчётнöй периодын босьтöмаöсь удж вылö удж сетысьяс – дінму уджтасъясын участвуйтысьяс. 3. Уджалысьяслөн öтувъя лыдын, кодъясöс удж сетысьяс корöмаöсь артмöдчöм серти, корöм уджалысьяслөн пай, кодъяс водзö уджалöны отчётнöй период помын. 4. Уджалысьяслөн лыд, кодъясöс удж сетысьяс корöмаöсь уджавны Россия Федерацияса мукöд субъектысь
Дінму уджтас збыльмöдан этапъяс да кадколастьяс	2021 во
Дінму уджтаслөн сьöмкуд ассигнованиелөн йöрыш	«Олысьясöс уджөн могмöдöмын отсалöм» Коми Республикаса канму уджтаслөн «Уджалан ресурсъяслысь мобильностьсö кыпöдöм» 4 уджтасув серти (водзö – 4 уджтасув) Дінму уджтассö сьöмөн могмöдан öтувъя йöрышыс, мый вынсьöдöма Коми Республикаса Велькöдлан котырлөн 2019 во йирым тöлысь 30 лунся 512 №-а шуöмөн, Коми Республикаса республиканскöй сьöмкуд сьöмсö тöд вылö босьтöмөн 2021 воын лоас 13 500,0 сюрс шайт; на пыись: Коми Республикаса республиканскöй сьöмкуд сьöм – 4 050,0 сюрс шайт; федеральнöй сьöмкуд сьöм – 9 450,0 сюрс шайт
Дінму уджтас збыльмöдöмысь виччысяна бöртасъяс	Организацияын босьтöма удж вылö 60 уджалысьясöс, кодъясöс корöма Россия Федерацияса мукöд субъектысь

2. Дінму уджтас збыльмодан сфералон отувья характеристика

Коми Республикаос социальной да экономика боксянь совмодомын ония серпас

Коми Республика – Россия Федерациялон Рытыв-Войвыв федеральной кытшын дінму, кодлон юркарыс Сыктывкарын.

Республикаса промышленность лоэ экономикалон медшор юконон. 2020 вося кывкортодьяс серти промышленной производство тэчасын экономика удж сикасьяс серти медшор пайсэ босьтис мупытшкөсса озырлун перйом (ректөм ас вочом вузөслон, вочом уджлон да ас вынон услугаяслон отвывтөм йорышысь 54,9%), обработайтан производствояс босьтисны 35,4%, электричество энергияон, биаруон да руон могмодом; сынөд сөстөммодом – 8,1%, ваон могмодом; ва бокө нуодом, шыбласьяс чукортөмсө да бырөдомсө котыртөм, нйитчөмьяс бырөдом серти удж – 1,6%.

Коми Республикаса вөр ресурсьяс лооны регионс совмодан вөрвалон медшор вынйорьяс пиысь отион да босьтоны ыджыд экологической, сырьевой, экономической да социальной төдчанлун.

Вөрсө дасьтоны Эжва, Сыктыв да Мозын ю ковтысьясын. Коми Республика мутасын медшор вөр дасьтан районьяс – Куломдин (23,0 %), Луздор (18,1 %), Сыктыв (11,4 %), Койгорт (10,7 %), Корткерос (10,3 %), Удора (8,1 %) да Сыктывдин (7,0 %).

Гырысь да шоркодь предприятиясон вөр дасьтан отувья йорышысь вөрсө сортимент серти дасьтан йорышыс (өдйө уна удж вочны вермысь да уна операция вочысь машина комплексьясон вөдитчөмон) лоэ 97%-ысь унджык.

Коми Республикаын шоркодья (войвывлөн вөр-ва да климат условияс вөсна) совмома скөт видзөм (видз-му овмөс продукция йорышын 77%) да быдмог вөдитөм (23%).

Олысьяслон, уджалан ресурсьяслон, уджалысь да уджавтөм гражданысь уджикас да квалификация серти тэчас пыртөмон, серпас да тэчас

Коми Республикаын демография серпасыс некымын во чөж торьялө олысьяслон лыд чинөмон, чужысьяслон лыд водзө чинөмон, олысьяслон кувсьөм петкодласлон мыйкө мында содомон, естественнөя чинөмон да виччысяна оландырлөн неыджыд содомон. Бөрья 10 во чөжон республикаын олысьяслон лыдыс чинис 85,6 морт вылө (2011 вося 01.01 лун вылө 899,2 сюрсянь 2021 вося 01.01 лун вылө 813,6 сюрсөдз). Олысьяслон лыд чинан медшор помкаон лоис миграция.

Коми Республикаос социальной да экономика боксянь совмодан прогноз серти шоркодь период вылө виччысьоны, мый Коми Республикаын олысьяслон лыдыс водзө кутас чинны. Та вөсна олысьяслон вося шоркодь лыдыс 2027 во кезлө лоас 747,1 сюрс морт.

Миграционнӧй мунӧм да арлыд серти тэчас вежсьӧм вӧсна (республикаысь мунысьясысь тӧдчана пай – уджавны вермысь арлыда йӧз) Коми Республикаын олысьяслӧн лыд чинигӧн сідзжӧ водзӧ кутас чинны уджалан ресурсьяслӧн лыдыс.

Донъялӧм серти, уджалан ресурсьяслӧн лыдыс 2020 воын лоис 478,1 сюрс морт, на лыдысь уджавны вермысь арлыда уджавны вермысь олысьяс – 436,8 сюрс морт, абу уджавны вермысь арлыда йӧз – 37,2 сюрс морт, суйӧрсайса уджалысь мигрантьяс – 4,1 сюрс морт.

Прогноз серти, 2027 воын уджалан ресурсьяслӧн лыдыс лоас 451,1 сюрс морт, 2020 во серти 27,0 сюрс морт вылӧ чинӧмӧн. Уджалан ресурсьяслӧн лыдыс чинас став категория тшӧт весьтӧ: уджавны вермысь арлыда уджавны вермысь олысьяс, суйӧрсайса уджалысь мигрантьяс, абу уджавны вермысь арлыда уджалысь граждана.

Коми Республикаса экономикаын уджалысьяслӧн лыдыс 2027 воын чинас 367,6 сюрс мортӧдз.

Уджӧн могмӧдан тэчасыс тӧдчымӧн оз вежсьы. 2027 воын уджалысьяслысь медыджыд лыдсӧ (подув вариант серти) прогнозируйтӧны экономика уджын татшӧм сикасьяс серти:

чукӧрӧн да торйӧн вузасьӧм – 54,5 сюрс морт (экономикаын уджалысьяслӧн ӧтувья лыдысь 14,8%);

транспортируйтӧм да видзӧм – 40,5 сюрс морт (11,0%);

велӧдӧм – 35,9 сюрс морт (9,8%);

йӧзлысь дзоньвидзалун видзан да социальнӧй услугаяс юкӧнын удж – 32,0 сюрс морт (8,7%);

обработайтан производствояс – 30,2 сюрс морт (8,2%);

канмуӧн веськӧдлӧм да военнӧй видзчысянлунсӧ могмӧдӧм – 29,7 сюрс морт (8,1%);

стрӧйтчӧм – 28,6 сюрс морт (7,8%);

мупытшкӧсса озырлун перйӧм – 19,9 сюрс морт (5,4%).

2020 воын (COVID-19) коронавирус инфекция паськалӧм вӧсна эпидемиология серпас вежсьӧмкӧд, самоизоляция режим, дзескӧдан мероприятиеяс (карантин) пыртӧмкӧд, гражданаӧс уджтӧмалысьясӧн шуан процессӧ кокньӧдӧмкӧд йитӧдын лӧкмисны пасьян удж рыноклӧн петкӧдласьясыс: содіс уджтӧмалысьяслӧн тшупӧдыс да лыдыс. Уджтӧмалысьяслӧн тшупӧдыс да лыдыс медъяна содіс 2020 вося кӧч тӧлысьын (уджтӧмалӧм серти пасйӧм тшупӧдыс лоис 5,2%, пасйӧм уджтӧмалысьяслӧн лыдыс – 22,1 сюрс морт).

Ӧнія кадӧ удж рынок вылын серпасыс воӧ нормаӧ. 2021 вося 07.01 лун вылӧ уджтӧмалӧм серти тшупӧдыс лоис 1,8%, уджтӧмалысьяслӧн лыдыс – 7,4 сюрс морт.

Петкӧдчӧ удж рынок вылын коланлунлӧн да вӧзйӧмлӧн качественнӧй лӧсвятӧмлун, а сідзжӧ уджӧн могмӧдан условиеяс серти локальнӧй удж рынокьяслӧн торъялӧм.

Вӧзйӧм вакансияслӧн тэчасыс оз пыр лӧсъяв гражданаӧн, кодьяс шыӧдчисны уджӧн могмӧдан канму службаса органьясӧ удж корсьӧмын

отсӧгла, уджсикасьяслы да квалификациясылы. Вылыс тшупӧда квалификация специалистъясын, а сідзжӧ квалифицируйтӧм рабочӧйясын коланлуныс некымын пӧв унджык вӧзйӧмысь, тайӧ кадӧ квалифицируйтӧм уджалысьясӧс, могмӧдан да вузасян, гражданаӧс да эмбур видзан юкӧнса уджалысьясӧс уджӧн абу могмӧдӧма.

2021 вося 05.01 лун вылӧ уджавтӧм гражданаӧн да сетӧм вакансияслӧн уджсикас да квалификация серти тэчасӧ вайӧдӧма таблицын.

Удж сикас	Уджтӧмалысьяс -лӧн лыд (кодъяс водзджык уджавлісны), морт	Вакансия лыд, ед.
юрнуӧдысьяс	704	853
вылыс тшупӧда квалификация специалистъяс	930	2195
шӧркодъ тшупӧда квалификация специалистъяс	475	1621
служащӧйяс, кодъяс дасътӧны да оформитӧны документация, нуӧдӧны учёт да могмӧдӧны	340	222
могмӧдан да вузасян, гражданаӧс да эмбур видзан юкӧнса уджалысьяс	1431	1955
видз-му да вӧр овмӧсса, чери рӧдмӧдысь да чери кыйысь квалифицируйтӧм уджалысьяс	132	232
промышленностьын, стрӧитчӧмын, транспортын квалифицируйтӧм уджалысьяс да такӧд йитчӧм уджъясын рабочӧйяс	965	1802
производственной установакясын да машинасын операторъяс, сборщикъяс да шоперьяс	1138	2160
квалифицируйтӧм уджалысьяс	2185	1526
военнослужащӧйяс	1	30
Ставнас:	8301	12596

Ипотека кредит сетан, оланін медалан, ньӧбан, оланін стрӧитан условиеяс,
кӧртымалан оланін, сы лыдын абу коммерческӧя медалӧм вылӧ оланін,
сӧвмӧдӧм пыртӧмӧн, оланін рыноксӧ анализируйтӧм

Коми Республика мутасын стрөитчан юкөннын медшөр верктуйясысь өтиён лоё олысьяслысь коланлунсё могмөдём.

2020 во заводитчём вылё Коми Республикаса оланін фондс лоис 23453,61 сюрс кв. метр, сы лыдын уна патераа керкаяслён площадьыс – 18291,19 сюрс кв. метр, торья олан керкаяслён – 4548,23 сюрс кв. метр, блокируйтөмөн стрөитөм керкаяслён – 338,33 сюрс кв. метр да өтуволанінъяслён – 275,86 сюрс кв. метр.

Оланін фондсё бурмөдан тшупөдыс лоис: воа проводён – 79%, канализацияён – 73%, шоныдён – 82%, биаруён – 49%, ваннаён (душён) – 67%, пөсь ваён – 67%, джоджса электрической плитаясён – 23%.

2020 вося 01.01 лун вылё Коми Республика мутасын аварийной оланін фондлөн площадьыс лоис 344,5 сюрс кв. метр.

2020 воын Коми Республикаса олысьясөс өтувья олан площадьён могмөдёма 1 олысь вылё шөркодя 29,0 кв. метрөн.

Республикаын оланін стрөитан йөрышыс 2020 воын лоис өтувья площадьлөн 204,2 сюрс кв. м, сы лыдын быдөнлөн торьялөн – 105,4 сюрс кв. м.

2020 вося IV кварталын Коми Республикаын оланінлөн 1 кв. метрлөн доныс лоис медводдза рынок вылын – 50,65 сюрс шайт, вторичной рынок вылын – 54,06 сюрс шайт.

Коми Республикаын збыльмөдөны сьём овмөс да инвестиция механизмьяс подув вылын оланін стрөитөмын канмусянь отсалан, олысьяслысь оланінкөд йитчём мытшөдьяс разьём вылё условиеяс лөсьөдан мераяс, сы лыдын оланін стрөитан могьяс вылё му участокьяссө инженерной да туй инфраструктураён могмөдём серти инвестиция проектьяс збыльмөдны отсалөм.

Вөдитчөны гражданы, кодьяс разьёны асьыныс оланінкөд йитчём мытшөдьяссө ас сьём тшөт весьтө кредитной организацияслысь ресурсьясөн вөдитчөмөн, канмусянь отсалан механизмьясөн. На лыдын – оланін стрөитөм либө ньөбөм вылё кредитьяс либө торья мога заёмьяс серти, кутшөмьясөс граждана босьтисны кредитной сёрнитчөмьяс либө торья мога заём йылысь сёрнитчөмьяс серти, прөчентьяс мынтөм вылё өтувья рөскөд юкөнсө сьөмкүд сьём тшөт весьтө бергөдём, оланін стрөитөм либө ньөбөм вылё социальной мынтөмьяс сетөм.

Нуөдөны и мутасьяс комплексной сөвмөдөм серти, сы лыдын этша судтаа оланін стрөитөмсө сөвмөдны коланлунсө төд вылё босьтөмөн, а сідзжө оланін стрөитан могьяс вылё му участокьяссө инженерной да туй инфраструктураён могмөдём серти инвестиция проектьяс збыльмөдөм вылё меставывса сьөмкүдьяслы канмусянь отсөг (субсидияс) сетөм серти удж.

Планируйтөм мероприятияс збыльмөдөмсө, олысьяслы ипотека кредит сетан система сөвмөдөмсө (прөцент ставкаяс чинтөмөн), стрөитчан юкөннын оланпастэчасө планируйтана вежсьөмьяссө төд вылё босьтөмөн, а сідзжө льготной категория гражданы канмусянь отсалан мераяс содтөм тшөт весьтө прогнозируйтөны, мый оланін стрөитан өдыс вочасөн содас.

2026 во кежлö виччысьöны, мый олан объектъяс пыртан йöрышыс содас 180,0 – 240,0 сюрс кв. метрöдз.

Социальной инфраструктурасö, йöзлысь дзоньвидзалун видзан, культура, спорт, велöдан да социальная могмöдан юкөн пыртöмөн, анализируйтöм

1. Йöзлысь дзоньвидзалун видзöм.

Коми Республикаын йöзлысь дзоньвидзалун видзан юкөнö пырöны татшöм учрежденияс да организацияяс:

учреждениеяс да организацияяс, кодъяс веськыда сетöны олысьяслы медицина отсöг: амбулаторно-поликлинической, стационарно-поликлинической, стационарной йöзлысь дзоньвидзалун видзан учрежденияяс, диспансерьяс, шöриньяс, санаторийяс, торья сикас учрежденияяс да мукöд;

федеральной службаяслөн тэчас юкөдувьяс, кодъяс, мукöдтор кындзи, нуöдöны дözьöр олысьяслы медицина отсöг сетöм бöрся: Росздравнадзорлөн да Роспотребнадзорлөн мутас органьяс;

учреждениеяс да организацияяс, кодъяс вöчöны могмöдан уджъяс медицина отсöг сетигөн: сы лыдын канму аптекаяслөн вез, материально-технической (тшöтш и автотранспортөн) могмöдан учрежденияяс да мукöд.

Республикаса йöзлысь дзоньвидзалун видзан канму системаын 2020 вося öшым тöлысь 31 лун вылö лыддыссис 7399 суткичöжся койка вылö 41 канму больнича учреждение (диспансерьяс пыртöмөн). Динмуса олысьяслөн воын шöркодь лыд 10 сюрс олысь вылö олысьясöс больнича койкаясөн могмöдöма 90,5 единица вылö.

2020 вося öшым тöлысь 31 лун вылö Коми Республикаын уджалисны: верстьöлы да челядьлы 9 асшöр амбулаторно-поликлинической учреждение;

6 диспансер, сы лыдын 5 поликлиникаясөн да сутки чöж олан стационарьясөн да 1 диспансер, көнi сетöны сöмын амбулаторной отсöг;

298 фельдшер-акушер пункт да фельдшер пункт;

4 стоматология поликлиника;

122 лунся стационар, сы лыдын 379 места вылö (вежласьöмсö тöд вылö босьтöмөн) больничаяс бердын лунся олан 32 стационар да 1504 места вылö (вежласьöмсö тöд вылö босьтöмөн) амбулаторно-поликлинической учреждениеяс бердын лунся 90 стационар (сы лыдын гортын олан);

27 регыдья медицина отсöг сетан юкөн. 2020 во чöж выездной бригадаяс сетисны регыдья медицина отсөгсö 277,99 сюрс гражданинлы;

490 койка вылö 3 санаторно-курортной организация.

2. Велöдöм

Коми Республикаын велöдан учрежденияяс могмöдöны республикаса став гражданадысь школадз, подув тшупöда öтувья, шöр тшупöда öтувья,

шөр тшупода уджсикасö, вылыс тшупода да содтöд тöдöмлун босьтöм вылö инöдсö.

Школаöдз велöдöм.

2021 вося тöвшөр тöлысь 1 лун вылö Коми Республикаын уджалö 423 велöдан организация, кöни збыльмöдöны школаöдз велöдан подув тшупода уджтасьяс, на лыдын: 312 школаöдз велöдан муниципальной организация, Наука организацияслөн федеральной агентстволөн ведомствоувса (Россияса НОФА) 1 «Челядьöс сöвмöдан 47 №-а видзанін» ФКСШВУ, 4 школаöдз велöдан аспом организация, а сідзжö 106 общеобразовательной организацияын котыртöма школаöдз велöдан 198 группа. Школаöдз велöдан организациясö ветлöдлö 54,7 сюрс ныв-зон, на лыдын 41,6 сюрс 3 арöсöдз челядь.

Öтувья велöдöм.

2020-2021 велöдчан воын Коми Республикаын уджалö 317 общеобразовательной организация, кöни велöдчö 102,3 сюрс морт, сы лыдын 3 рытья велöдан организация, кытчö ветлö 0,5 сюрс морт, да Ухта карса «Росток» ичöt школа» аспом общеобразовательной учреждение, кöни велöдчö 109 морт.

Общеобразовательной организацияс лыдын, кодьяс вöзйöны паськöдöм велöдан уджтас, уджалö 14 гимназия да 10 лицей, торья предметьяс пыдисянь велöдан 16 общеобразовательной организация, кöни велöдчö 7,5 сюрс, 2,6 сюрс да 17,4 сюрс школьник лöсялöмөн.

Дзоньвидзалунын дзескöдöм позянлуна челядь босьтöны тöдöмлунсö торья (коррекционной) велöдан организациясын да лунся общеобразовательной организацияс бердын торья (коррекционной) классьясын. 19 торья (коррекционной) велöдан организацияын 2020-2021 велöдчан воын велöдчö 1557 кага.

Уджсикасö велöдöм.

2020-2021 велöдчан воын велöдан организацияс лыдö, кöни збыльмöдöны шөр тшупода уджсикасö велöдан уджтасьяс, пырö уна пöлöс эмбур сикаса да уна пöлöс ведомстволөн веськöдлöм улö пырысь 32 учреждение, на пыись:

25 республиканской киподувса организация;

4 вылыс тшупода велöдан организация, сы лыдын – 2 филиал;

3 велöдан абу канму организация.

Лыддьöдлöм велöдан организациясыс шөр тшупода уджсикасö велöдан 90 уджтас серти дасьтöны 19,8 мортöс.

Вылыс тшупода велöдан уджтасьясö збыльмöдöны 3 асшөр ВУЗ да ВУЗьяслөн 3 филиал. Став велöдан форма серти вылыс тшупода велöдан уджтасьяс серти велöдчысь студентьяслөн öтувья лыдыс лöö 13,7 сюрс морт.

3. Культура.

Коми Республикаын уна культура да искусство учреждение, кытчö пырö: 7 театрално-зрелищнöй да концерт учреждение; 320 библиотека, 351 культура да прöст кад коллялан учреждение; став пöлöс эмбур сикаса 19 организация, кодъяс збыльмöдöны кинопрокатнöй удж, кутшöмъясöс могмöдöма выль кинооборудованиеöн; 21 музей.

Уджалö 41 велöдан учреждение, сы лыдын 2 канму да 39 муниципальнöй учреждение.

Коми Республикаын архив юкöнсö артмöдöны 1 канму архив да 21 муниципальнöй архив учреждение.

2020 воын канму да муниципальнöй архивъясö пыр да кад кежлö видзöм вылö примитöма 14494 делö. 2021 вося тöвшöр тöлысь 1 лун вылö Коми Республикаса архив учрежденияяслөн фондъясын лыддыссис 2 млн сайö видзан единица. 2020 во чöжөн республикаса архив учрежденияяс пöртисны олöмö 43814 социальнöй да инöда запрос.

Коми Республикаын уджалö 351 культура да прöст кад коллялан учреждение, сы лыдын сиктын – 300. Быд муниципальнöй юкöнын уджалö культура да прöст кад коллялан учрежденияяс уджлөн öтувья система (Культура керкаяс (Шöриньяс) да местаяс вылын налөн филиалъяс). 2020 воын 3738 клубнöй формированиеö пырöдчис 53886 участвуитысь.

Тöдчымөн вежсьö динмуса киносеть. Кино фондлөн кинофикация уджтас серти 2020 воын öнъяöдöма Мылдин районын «Мылдинса районнöй культура керка» МКУ-лысь кинозал. Ставнас динмуын лöсьöдöма да уджалö 12 öнъяöдöм кинозал.

4. Спорт.

Коми Республикаын сöвмöдан подув спорт сикасьясөн лöбны: тöвся олимпийскöй спорт сикасьяс: лызьөн ордйысьöм, биатлон; гожся олимпийскöй спорт сикасьяс: бокс, спортивнöя вермасьöм, варччöм, сьökыд атлетика, футбол; абу олимпийскöй спорт сикасьяс: мача хоккей; адаптивнöй спорт сикасьяс: лёка ветлысь йöзлы спорт, пельтöм йöзлы спорт.

2021 вося тöвшöр тöлысь 1 лун вылö Коми Республикаын уджалö 2370 спорт сооружение. На пыись: 1500 да унджык места вылö трибунаяса 7 стадион, 890 плоскостнöй спорт сооружение, 537 спорт зал, 43 варччанін, 9 вевта каток, кöни йисö вöчöма, 4 манеж, 1 биатлон комплекс, 79 лызь база, 49 тир, 729 мукöд спорт сооружение, карса да шойччан инфраструктуралөн 19 объект. Республикаöс спорт сооруженияясөн могмöдöма 62,7% вылö.

Спорт сооружениясын öти кадö вермö лоны 59154 морт. Физическöй культурайөн да спортөн пыр занимайтчысь олысьяслөн лыдыс лöö 332,0 сюрс морт (3-79 арöса олысьяслөн лыдысь 42,9 %).

2257 штатнöй физкультура уджалысь збыльмöдö физкультура удж, на пыись 1794 мортлөн эм уджсикасын вылыс да шöр тшупöда тöдöмлун.

5. Социальнöя могмöдöм.

Коми Республика мутасын уджалö 41 социальнöя могмöдан учреждение: олысьясöс социальнöя дорьян юкöнын канму услугаяс сетан 21 шöрин, олöма йöзлы да вермытöмьяслы 7 керка-интернат, 6 психоневрологическöй интернат, оланiнтöм да уджтöм йöзöс социальнöя адаптируйтан 2 шöрин, а сiдзжö Тыр арлыдтöмаясöс социальнöя реабилитируйтан шöрин, Дзоньвидзалунын дзескöдöм позянлуна челядьöс да ныв-зонпосниöс реабилитируйтан республиканскöй шöрин, Семьялы да челядьлы социальнöй отсöг сетан шöрин, Социальнöй технологияс сöвмöдан дiнму шöрин, «Максаковка» социальнöй да дзоньвидзалун бурмöдан республиканскöй шöрин.

Коми Республикаса муниципальнöй юкөнъяслысь транспорт инфраструктура сöвмöдöмсö анализируйтöм, транспортöн воöдчыны позянлунсö донъялöм

Коми Республикаын транспорт везйыс артмö 2,2 сюрс км көрт туйясысь (сы лыдын öтув вöдитчан 1,7 сюрс км), 3,9 сюрс км пытшкöс вавывса судоходнöй туйясысь, 11,9 сюрс км автомашина туйясысь (сы лыдын 7,6 сюрс км öтув вöдитчан автомашина туйяс).

Коми Республика мутассö могмöдö Войвывса көрт туй – «Россияса көрт туйяс» ВАК-лөн филиал.

Коми Республика мутасын öтув вöдитчан көрт туй везлысь подуvsö артмöдö ставнас 1,7 сюрс км кузьта Котлас – Воркута көрт туй магистраль да 3 этша ветлан көрт туй линия («Микунь – Кослан – Веньдiн, «Сосногорск – Мылдiн», «Сыня – Усинск»).

Коми Республикаын öтув вöдитчан көрт туй везлөн плотностьыс лöб мутаслөн 1 сюрс кв. км вылö 4,1 км.

Кöрт туйясыс öти кöлеяöсь, электрифицируйтöм участокьяс абуöсь.

Республика мутасын уджалö 9 көрт туй вокзал Сыктывкарын, Воркутаын, Печораын, Усинскын, Ухтаын, Микуньын, Сосногорскын, Княжпогостын да Интаын.

Республика мутастi грузьяссö новлöдлöны кык медшöр көрт туй транспорт предприятие асланыс тэчас юкöдуvsьяскöд: Войвывса көрт туйлөн Сосногорскса дiнму – «Россияса көрт туйяс» ВАК-лөн филиал да Войвывса көрт туйлөн Сольвычегодскса дiнму – «Россияса көрт туйяс» ВАК-лөн филиал.

1. Сынöд транспорт.

Коми Республика мутасын уджалö 7 аэропорт («Сыктывкар», «Воркута», «Ухта», «Усинск», «Инта», «Печора», «Чилимдiн») да 32 пуксян площадка, кутшöмьяс могмöдöны Коми Республикаса сьöкыда воöдчан районьясын сынöд пыр йитчöмсö.

Республикаса авиаперевозка рынокын уджалöны татшöм авиакомпанияяс: «Комиавиатранс» АК, «ЮТэйр авиакомпания» ПАК,

«Аэрофлот – Дінмуса авиалинияяс» ПАК, «Нордавиа – дінмуса авиалинияяс» («Smartavia») акционер котыр, «Газпром авиа» авиапредприятие» ИКК, «Руслайн» авиация компания» АК, «Северсталь» авиапредприятие» ИКК, «Россия» авиакомпания» АК, «Северный ветер» ИКК.

Таысь кындзи, Коми Республика мутасын меститчö «Сынöдті ветлöмсö котыртан канму корпорация» ФКÖП-лөн «Войвыв Ураллөн аэронавигация» филиал – предприятие, мый могмөдö Коми Республика мутас весьтын сынöдті ветлöмсö могмөдигөн полётъяслысь безопасностсö.

Коми Республика сайö сынöдті позьö мунны: Москваö, Санкт-Петербургö, Котласö, Архангельскö, Нарьян-Марö, Екатеринбургö, Самараö, Казаньö, Пермьö, Кировö, Уфаö, Анапаö, Сочиö, Симферопольö, Тюменьö, Калининградö, Краснодарö.

Коми Республика мутасті муниципалитеткостса авиaperевозкаяссö котыртöма Сыктывкарсянь: Воркутаö, Печораö, Ухтаö, Усинскö, Интаö, Чилимдинö да содтöд (рöспута дырйи) 4 маршрутті – Изьва да Вуктыл районьясын.

Рöспута дырйи сьöкыда воöдчан олан пунктъясö муниципалитетъясын пассажирьясöс новлөдлöны Ми-8 вертолётъяс республикаса 5 районуын: Инта, Печора, Ухта, Усинск да Чилимдин.

2. Автомашина транспорт.

2021 вося төвшөр төлысь 1 лун вылö Коми Республикаса öтүв вöдитчан автомашина туйяслөн кузьтаыс лоис 7659,2 км, сы лыдын федеральной тöдчанлуна – 283,6 км, дінму – 4811,8 км, меставывса – 2563,8 км. Чорыд веркöса öтүв вöдитчан автомашина туйяслөн кузьтаыс лоис 6572,9 км, либö автотуйяслөн став кузьтаысь 85,8 %. Став автомашина туйяс пöвстын унджыкыс бурмөдöм веркöса туйяс – 58,9 %, переходной сикас веркöса туйяслөн пайыс лöö 26,9 %, грунтöвöй веркöса туйяслөн пайыс – 14,2 %.

Республикаын чорыд веркöса öтүв вöдитчан автомашина туйяслөн (федеральной да меставывса тöдчанлунаяссö пыртöмөн) плотностыс лöö 1000 кв. км вылö 15,8 км.

Коми Республика мутасын автотранспорт услугаяс юкöнын пассажирьясöс да туй көлуйсö новлөдлö 216 овмöс нүöдысь субъект (уна пöлöс эмбур сикаса пассажирской автомашина транспорт предприятиеяс да ашшөр уджалысьяс).

3. Юывывса транспорт.

Коми Республикаын юывывса туйяслөн плотностыс лöö 1 сюрс кв. км вылö 9,3 км.

Коми Республикаса юяс вылын судоходной обстановкасö могмөдö «Печораводпуть» администрация» федеральной сьöмкуд учреждение, кодi

котыртö Печора ковтысса ва туйяс удждöм да сöвмöдöм серти уджсö, «Севаводпуть» администрация» федеральной сьöмкуд учреждение, кодi котыртö Эжва ковтысса ва туйяс удждöм да сöвмöдöм серти уджсö.

Коми Республикаын öтув вöдитчан ювивса транспорт медшöр предприятиеясöн, кодьяс новлöдлöны пассажирьясöс, груз да вöчöны сöвтан-ректан уджьяс, лöоны «Динмуса транспорт компания» ИКК, «Жилкомсервис» «Сыктывкар» КК МЮ-лөн муниципальной казённöй предприятие да «Печораса ю порт» ВАК.

Республикаса квайт муниципальной юкөнлөн мутасын («Печора» МР МЮ, «Сыктывкар» КК МЮ, «Усинск» КК МЮ, «Чилимдин» МР МЮ, «Изьва» МР МЮ да «Вуктыл» КК МЮ) котыртöма пассажирьясöс муниципалитетьяс костын да муниципалитет пытшкын ю кузя новлöдлöмсö.

4. Магистральной транспорт.

Мусир новлöдлан медшöр предприятиеөн лöö «Транснефть-Север» АК, мый пырö «Транснефть» акционер компанияö.

Коми Республика мутастi мусирсö новлöдлöны:

«Уса – Ухта» да «Ухта – Ярославль» магистральной мусир проводьяслөн система, кутшöмлөн öтувья кузьятыс 1560 км да пропускной позянлуныс «Уса – Ухта» отрезокын – онас 24,2 млн тонна, «Ухта – Ярославль» отрезокын – онас 20,3 млн тонна («Транснефть-Север» АК);

«Харьяга – Уса» межпромыслöвöй мусир проводьяслөн система, кутшöмлөн öтувья кузьятыс 150 км да пропускной позянлуныс онас 12 млн тонна (ЛУКОЙЛ-Коми» ИКК).

Биарусö новлöдлö «Газпром трансгаз Ухта» ИКК («Газпром» ПАК-лөн тэчас юкöдув).

Коми Республика мутастi односточной магистральной биару проводьяслөн кузьятыс лöö 5 сюрс сайö км, сийö нуö республикаын 100 млрд сайö куб. м мупытшкöсса биару.

Коми Республикаöс социальной да экономика боксянь сöвмöдан верктуйяс да медшöр могьяс

2035 воöдз период вылö Коми Республикаöс социальной да экономика боксянь сöвмöдан стратегиялөн, мый вынсьöдöма Коми Республикаса Вескöдлан котырлөн 2019 во косму тöлысь 11 лунся 185 №-а шуöмөн, нырвизьяс пыись öтиөн лöö удж рынок сöвмöдöм да олысьясöс уджөн могмöдöм.

Олысьясöс уджөн могмöдöмын отсалан юкөннын канму политикасö вескöдöма сы лыдын уджалан ресурсьяс сöвмöдöм, налысь мобильностьсö кыпöдöм вылö.

Динму уджтассö вескöдöма Россия Федерацияса мукöд субъектысь уджалан ресурсьяс, сы лыдын вылыс квалификация специалистьясöс,

корöмын удж сетысьяслы отсалöм вылö. Уджалысьяслөн лыдыс, кодьясöс удж сетысьяс кöсйöны корны уджавны, 2021 воын лоис 60 морт.

Торья мога группаяс йылысь тöдмөгьяс (торья йöз да юридическöй кывкутысьяс), кодьяс вылö веськöдöма Дінму уджтас серти уджсö

Дінму уджтаслөн торья мога группаяс:

юридическöй кывкутысь (канму власьт органьяс, меставывса асвеськöдлан органьяс, канму (муниципальнöй) учреждениеяс кындзи), асшöр уджалысь, кодьяс нуöдöны овмöс уджсö Коми Республика мутасын, кодьяслы колö корны уджалан ресурсьяс;

уджалысьяс, кодьясöс удж сетысьяс корисны уджавны Коми Республикаö Россия Федерацияса мукöд субъектысь, кутшöмьясöс абу пыртöма Россия Федерацияса субъектьяслөн лыддьöгö, кытчö уджалан ресурсьяссö корöмыс лоö верктуяөн, мый вынсьöдöма Россия Федерацияса Веськöдлан котырлөн 2015 во косму тöлысь 20 лунся 696-р №-а тшöктöмөн.

3. Дінму уджтаслөн медшöр могьяс, могьяс да торья мога петкöдласьяс (индикаторьяс)

Дінму уджтаслөн медшöр могөн лоö Россия Федерацияса мукöд субъектысь, кутшöмьясöс абу пыртöма Россия Федерацияса субъектьяслөн лыддьöгö, кытчö уджалан ресурсьяссö корöмыс лоö верктуяөн, Коми Республикаö квалифицируйтöм уджалан ресурсьяс корöм.

Пуктöм медшöр могсö збыльмöдöм вылö Дінму уджтас збыльмöдигөн колö решитны татшöм могьяс:

уджалан мобильносьт юалöмьяс серти олысьясöс да удж сетысьясöс паськыдджыка тöдмöдöм.

Россия Федерацияса мукöд субъектысь уджалан ресурсьяс, сы лыдын вылыс квалификацияя специалистьясöс, корöмын удж сетысьяслы отсалöм.

Дінму уджтаслөн торья мога индикаторьяслысь (петкöдласьяслысь) лыддьöгсö да на йылысь тöдмөгьяссö вайöдöма Дінму уджтас дорö 1 № содтöдын.

4. Удж сетысьяслөн, а сідзжö уджьяслөн, кутшöмьясöс вöчöм вылö удж сетысьяс кöсйöны корны уджалысьясöс Дінму уджтас серти, öтувья характеристика

Коми Республикаын удж рынок вылын уджсикас да квалификация серти лöсавтöмлунсö чинтöм вылö дінмуö колö корны уджалан ресурсьяссö вакансияс вылö, кытчö оз тырмыны меставывса уджалан кадрьяс.

Коми Республикаса экономика юкөньяслысь квалифицируйтöм кадрьясын коланлунсö прогнозируйтöм серти Коми Республика мутасын экономика удж сикасьяс серти кадрьясын коланлуныс татшöм:

йӧзлысь дзоньвидзалун видзан да социальной услугаяс юкӧнын удж – 5,7 сюрс морт;
транспортируйтӧм да видзӧм – 5,3 сюрс морт;
мупытшкӧсса озырлун перйӧм – 4,1 сюрс морт;
канмуӧн веськӧдлӧм да военной безопасностсӧ могмӧдӧм;
социальной могмӧдӧм – 3,5 сюрс морт;
велӧдӧм – 3,1 сюрс морт;
видз-му, вӧр овмӧс, кыйсьӧм, чери кыйӧм да чери рӧдмӧдӧм – 2,2 сюрс морт;
обработайтан производствояс – 1,9 сюрс морт;
электричество энергияӧн, биаруӧн да руӧн могмӧдӧм; сынӧд сӧстӧммӧдӧм – 1,6 сюрс морт;
мукӧд сикас удж – 4,2 сюрс морт.

Квалифицируйтӧм кадрьясыс медьёна колӧны «Йӧзлысь дзоньвидзалун видзан да социальной услугаяс юкӧнын удж» экономика удж юкӧнын (5,7 сюрс морт, либӧ экономика уджлӧн став сикас серти кадрьясын ӧтувья коланлунысь 18,1%), мый гӧгӧрвоӧдсьӧ тайӧ юкӧнса торья уджсикасьяс серти кадрьясын ӧтувья дефицитӧн, сы лыдын сиктьясын.

Индӧм юкӧнын кадрьясыс медся ёна колӧны «Йӧзлысь дзоньвидзалун видзан юкӧнын удж» удж сикасын (юкӧнын ӧтувья коланлунысь 82,9%). Тайӧ сикас уджын медся ёна колӧны ВТТ-ординатураса специалистьяс (2,4 сюрс морт, либӧ юкӧнын ӧтувья коланлунысь 41,7%), на лыдӧ пырӧны врач-акушер-гинекологьяс, врач-анестезиолог-реаниматологьяс, клинической лабораторной диагностика серти врач, врач - ультразвукӧвӧй диагност, врач - функциональной диагност, врач-терапевтъяс, регыдья медицина отсӧг сетысь врач, врач-оториноларинголог, врач-офтальмолог, врач-хирург, врач-стоматолог.

Таысь кындзи, кадрьясын коланлунлӧн ыджыд пайыс ШТУВ-специальностъяс серти специалистьяс (2,0 сюрс морт, либӧ юкӧнын ӧтувья коланлунысь 34,8%), на лыдӧ пырӧны: фельдшерьяс, медицина сестраяс/медицина братьяс, акушерка/акушер, медицинской лабораторной техник.

Тайӧ удж сикас серти этша коланлуныс ШТУВ-уджсикасьяс (22 морт), ВТТ-бакалавриат (14 морт), ВТТ-специалитет серти (330 морт).

Коми Республикаса йӧзлысь дзоньвидзалун видзан организацияӧ шӧркодя быд во колӧ 678 морт.

«Транспортируйтӧм да видзӧм» юкӧнын кадрьясын коланлуныс прогнозируйтан периодӧ лоис 5,3 сюрс морт (экономика уджлӧн став сикас серти кадрьясын ӧтувья коланлунысь 16,7%), сы лыдын квалифицируйтӧм кадрьясын медыджыд коланлунсӧ прогнозируйтӧны «Муывивса да трубопровода транспортлӧн удж» удж сикас серти – 3,8 сюрс морт (юкӧнын ӧтувья коланлунысь 72,5%).

Уджлӧн индӧм сикас коланлуныс артмӧ ёнджыкасӧ ШТУВ-уджсикасьясысь да лоӧ 3,7 сюрс морт. Медся ёна колӧны татшӧм

уджсикасьяс: туй монтер, технологическӧй компрессорьяслӧн машинист, линейнӧй трубопроводчик, автомашинаса шопер, тепловозса машинистлы отсасьсы, стрелочнӧй постса дежурнӧй, поездьяс лӧсьӧдысь, груз да туй кӧлуй примитысь-сдайтысь.

Кадрьясын прогнозируйтан коланлунын тӧдчана пайсӧ босьтӧ «Мупытшкӧсса озырлун перйӧм» экономика удж юкӧнын кадрьясын коланлун (4,1 сюрс морт либӧ экономика уджлӧн став сикас серти кадрьясын ӧтувья коланлунысь 13,0%), сы лыдын татшӧм удж сикасьяс серти, кызди «Уль мусир да природнӧй биару перйӧм» (2,0 сюрс морт, либӧ юкӧнын ӧтувья коланлунысь 49,1%), «Из шом перйӧм» (1,6 сюрс морт, либӧ юкӧнын ӧтувья коланлунысь 38,3%).

Вылынджык индӧм удж сикасьяс серти кадрьясын коланлуныс лоис 3,6 сюрс морт (юкӧнын ӧтувья коланлунысь 96,7%), сысысь медыджыд коланлуныс артмӧ ШТУВ-уджсикасьясысь да лоӧ 2,7 сюрс морт, либӧ индӧм уджлӧн сикасьяс серти ӧтувья коланлунысь 66,4%. Медся ӧна колӧны татшӧм уджсикасьяс, кызди насоса установкаяслӧн машинист, технологическӧй установкаяслӧн оператор, мусир да биару перйӧм серти оператор, проходчик, экскаваторса машинист, бульдозерса машинист.

Та дырйи мупытшкӧсса озырлун перьян юкӧнын специалистьясыс медьӧна колӧны республикаса гырысь предприятиеясын (3,5 сюрс морт, либӧ юкӧнын ӧтувья коланлунысь 85,4%): «Воркутауголь» АК («Воркута» КК МЮ) да «ЛУКОЙЛ-Коми» ИКК («Усинск» КК МЮ).

«ЛУКОЙЛ-Коми» ИКК-лӧн мыччӧдьяс серти кадрьясын коланлунсӧ подулалӧма сы лыдын инвестиция проектьяс збыльмӧдӧмӧн (инвестпроектьяс серти коланлуныс – 2021-2027 воясса периодӧ 1178 морт, мый лоӧ компаниялӧн ӧтувья коланлунысь 60%), Усинкса месторождениеысь, Кыртаельса месторождениеысь, Ярегаса мусир куйланінысь пермокарбоновӧй куйлӧд перйӧмӧн да Войвыв Ламбейшорса куйланінін перйӧмӧн.

«Кӧрт рудаяс перйӧм» да «Мупытшкӧсса озырлун перьян юкӧнын услугаяс сетӧм» удж сикасьяс серти кадрьясын коланлуныс артмӧ ШТУВ-уджсикасьясысь 290 да 229 морт лӧсялӧмӧн.

Промышленностьлӧн обработайтан юкӧнын кадрьясыс медьӧна колӧны татшӧм удж сикасьясын, кызди «Пу обработайтӧм да пуысь да пробкаысь изделияс вӧчӧм, пызан-улӧсысь кындзи, идзасторьясысь изделияс да кыан материальяс вӧчӧм» (0,6 сюрс морт, либӧ юкӧнын ӧтувья коланлунысь 32,3%), «Бумага да бумагаысь изделияс вӧчӧм» (0,6 сюрс морт, либӧ юкӧнын ӧтувья коланлунысь 30,5%), «Дӧраысь изделияс вӧчӧм» (0,2 сюрс морт, либӧ юкӧнын ӧтувья коланлунысь 12,6%).